

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. साम्बा-मानसर-उधमपुर शिड़क दा 6 लेन दी वैकल्पिक जरनैली शिड़क दे तौरा पर दर्जा बधाय़ा जाहग, जेहदे कन्नै कश्मीर जाने लेई जातरा दा समां बड़ा मता घटी जाहग।
2. मरदमशुमारी 2027 दे तैहत आपूं अपना ब्यौरा दर्ज कराने आहली प्रक्रिया अज्जै थमां पूरे जम्मू-कश्मीर च शुरू होई गई ऐ।
3. ट्रांसपोर्ट मैहकमे नै घोशणा कीती ऐ जे जम्मू च सब्बै ई-रिक्शा ते ई-आटो पैहली जून थमां सारे रस्तें पर मीटर राहें गै चलडन।
4. राश्ट्री महिला आयोग आसेआ आयोजित शक्ति संवाद एस.के.आई.सी.सी श्रीनगर च सम्पन्न होआ।
5. ते वोकल फार लोकल दी पैहलकदमी तैहत 75एं बरें दे मकामी लोकें मिट्टी दे भांडे बनाने दी रिवायती दस्तकारी गी उधमपुर च अज्ज बी जींदा रक्खे दा ऐ।

<><><><><><>

Samba-Mansar Udh.

6 लेन आहली वैकल्पिक जरनैली शिड़क जेड़ी जम्मू ते पठानकोट ते जम्मू श्रीनगर राश्ट्री जरनैली शिड़कें गी जोड़ग। इस लेई राश्ट्री जरनैली शिड़कें सरबंधी भारती प्राधिकरण इक व्यापक प्रोजेक्ट रिपोर्ट तैयार करा'रदा ऐ। एह रिपोर्ट साम्बा-मानसर-उधमपुर रूट लेई तैयार कीती जा'रदी ऐ। एहदा कम्म मेद ऐ जे अगले बरे शुरू होग। एह रस्ता साम्बा थमां मानसर ते उधमपुर बश्कार बेहतर राबता उपलब्ध करोआग। एहदे राएं साम्बा थमां मानसर ते उधमपुर दे जखैनी थमां घाटी आस्तै सौकखा ते घट्ट दूरी आहला बेहतर रस्ता हासिल होग।

<><><><><><>

Self-Enumeration

ब'रे 2027 आली मरदमशुमारी लेई आपूं डिजिटल तरीके राहें अपनी गिनतरी दर्ज करोआने दी प्रक्रिया अज्जै थमां जम्मू-कश्मीर च शुरू होई गई ऐ। मकामी बसनीक अज्जै थमां चालू होआ रदे

मरदमशुमारी आले अधिकारिक पोर्टल राहें ऑनलाईन ढंग्गै नै अपनी गिनतरी दर्ज करोआई सकदे न। एह सुविधा औंदी 31 मई तोड़ी उपलब्ध रौहग ते लोक- घर बैठे दे गै अपने परोआरिक ब्यौरे ऑनलाईन दर्ज कराई सकदे न। सरबंधत अधिकारियें लोकें गी अपील कीती ऐ जे ओह पूरी सक्रियता कन्नै इस प्रक्रिया च शामिल होन ते स्टीक जानकारी दर्ज करना जकीनी बनान। डिजिटल चरण दे मगरा पैहली थमां 30 जून 2026 तोड़ी माहिर इन्डुमिरेटरें आसेआ घरें गी सूचिबद्ध करने दी प्रक्रिया गी तोढ़ चाढ़ेया जाहग। इस बारे जेएमसी कमीशनर हों लोकें गी अपील करदे होई आखेआ

<><><><><><>

Census-Poonch

मरदमशुमारी लेई आपू डिजिटल तरीके राएं अपनी गिनतरी दर्ज करोआने दी प्रक्रिया पुंछ च बी अज्जै थमां शुरू होई। पुंछ दे बसनीकें डिजिटल मरदमशुमारी आहली प्रक्रिया दा सौआगत कीता ऐ। हुन लोक अपने बारे जानकारी आनलाईन दर्ज करवाई सकदे न। जत्न बारे जानकारी दिंदे होई डिस्ट्रिक्ट स्टैटिस्टिकल ते इवैलुएशन अफसर जावेद अहमद हों आखेआ जे नागरिक हुन अपना पंजीकरण आपू करी सकदे न पर एह कम्म समेंसिर होना लोइचदा। उनें आखेआ जे एह विंडो 15 दिन तगर गै खुल्ली दी रौहग। उनें आखेआ

<><><><><><>

e-Rickshaw Metering

आम लोकें गी बेहतर राबता उपलब्ध करोआने ते अमरनाथ जातरा गी सुचारू बनाने लेई ट्रांसपोर्ट मैहकमे नै जम्मू दे सारे रस्तें पर ई-रिक्शा ते ई-आटो मीटर्स राएं चलाने लेई घोशणा कीती ऐ। एह रिक्शे पैहली जून थमां हुकमै मूजब चलडन। प्रशासन नै चेतावनी दिती ऐ जे हुकमे मूजब नेई चलने आहले खलाफ सख्त कार्रवाई कीती जाहग। पिछले किश बरें च जम्मू च ई-आटो, ई रिक्शा च खासा बाददा दिक्खेआ गेआ ऐं हालांकि डरैवरें आसेआ बाददू पैसे वसूल करने दिआं बी खरबां हासिल होइयां न। इस मौके पर बोलदे होई जम्मू दे रीजनल ट्रांसपोर्ट अफसर जसमीत सिंह हों आखेआ

<><><><><><>

Wild Veg. Incident

राजौरी जिले दे कोटरंका ब्लाक दे मोहरा गांs दा जिला प्रशासन आसेआ कायम 4 टीमें दौरा लाया ते 20 नकूनें जांच लेई लैते। कल गांs च जंगली सब्जी खाने करी 65 बरें दे इक व्यक्ति दी मौत

होई गेई ही ते 7 होर दुए लोक बमार होई गए हे। सेहत मैहकमे दिआं टीमां मौके आहली थाह पुज्जियां। मकामी लोके जिला प्रशासन दी फौरी कारवाई दी सराहना कीती ऐ। मीडिया कर्मिं गी संबोधित करदे होई मेडिकल अफसर राजौरी डा. मनोहर राणा होरे लोके गी अपील कीती जे ओह घाबरन नेई ते एहदे च कुसै चाल्ली दे लागै दी कोई संभावना नेई ऐ। उने आखेआ

<><><><><><>

Shakti-Samwad

राश्ट्री महिला आयोग आसेआ आयोजित दऊं रोजा शक्ति संवाद अज्ज एस.के.आई.सी.सी श्रीनगर च सम्पन्न होई गेआ। मुख परौहने दे तौरा पर केंद्री मंत्री डा. जितेंद्र सिंह हुंदे अलावा राश्ट्री महिला आयोग दिआं चेयरपर्सन विजया किशोर राहतकर ते पुलस दे सीनियर एहलकारे बी इस मौके पर हिस्सा लैता। समापन सत्र च पूरे भारत च महिलाएं दी सुरक्षा, उंदे हक्क, सशक्त करने आली नीतिये ते कनूनीद प्रतिक्रियाएं गी मजबूत करने पर ध्यान केंद्रित कीता गेआ। इस कार्यक्रम च 20 शा मते राज्ये दे राज्य महिनला आयोगे दे अध्यक्षे, मिम्बरें ते सदस्य सचिवे गी महिला सशक्तिकरण पर बचार-विमर्श करने लेई किट्ठे इक्के मंच पर आंदा गेआ जेहदा मकसद सुरक्षा सरबंधी मजबूत ढांचा तैयार करने दे कन्नोकन्नी बक्ख-बक्ख महिला आयोगे बश्कार सहयोग बधाना बी ऐ।

<><><><><><>

Earthern Pots

जिआं-जिआं तापमान लगातार बधा'रदा ऐ, लोक तपती गर्मी शा राहत आस्ते मिट्टी दे भांडे बक्खी रूख करा'रदे न। मिट्टी दे भांडे दा इस्तेमाल कोई कल्लै दी गल्ल नेई ऐ, सगुआं एह सदिये परानी ऐ। स्हाड़े बड्डे बुजुर्ग पराने जमाने च पानी गी ठंडा रखने आस्तै मिट्टी दे घडे दा इस्तेमाल करदे हे ते उत्थे नजारा हून मौजूदा समे च बी दिखने गी लब्बा'रदा ऐ कीजे एहदे कन्ने छड़ा लोके गी कुदरती तौरा पर पानी ठंडा रखने च मदद नेई मिलदी, सगुआं मिट्टी दे भांडे बनाने आहले मकामी कमेयारे गी रोजी-रूट्टी कमाने च सखाल हुंदी ऐ। एहदे कन्ने वोकल फार लोक आहली पैहलकदमी तैहत रिवायती कारीगरे गी परतिये जीवित करने च बी मदद थहो'रदी ऐ। ऐसा गै इक उद्ाहरण ऐ, उधमपुर दे 75 बरे दे तरसेम लाल होर जेहडे स्टील ते प्लास्टिक दे भांडे आहले जुगे च बी मिट्टी दे भांडे बनाने आहली रिवायती कला गी जींदा रक्खा'रदे न। अपनी बधदी उमर दे बावजूद ओह इस कम्मै च पूरे जोश ते जी-जान कन्ने लग्गे दे न। आकाशवाणी समाचार कन्ने अपने तजुर्बे सांझे करदे होई तरसेम लाल होरे आखेआ

जिसले के तरसेम हुंदे शा मिट्टी दे भांडे खरीदने आले इक खरीदारें चा इक परवेश गुप्ता होरें आखेआ

<><><><><><>

HP-Guv.

हिमाचल प्रदेश दे गवर्नर कविंद्र गुप्ता होरें आखेआ जे अमरीका ते ईरान बश्कार जारी तनोतनी दे चलदे प्रधानमंत्री नरेंद्र मोदी होर भविक्ख च औने आहली संभावित चुनौतियं बारै लोकंे गी लगातार सौहगा करा'रदे न। जम्मू च लोआए गेदे इक कार्यक्रम गी संबोधित करदे होई कविंद्र गुप्ता होरें आखेआ जे भारत सरकार नै पेट्रोल ते डीजल दी कीमतेँ गी काबू च रखियै आम लोकें गी राहत पजाने दा कम्म कीता ऐ। गवर्नर गुप्ता होरें लोकें गी समाजी ते पारिवारिक दौनेँ स्तरें पर जिम्मेदारी कन्नै कम्म करने दी अपील करदे होई आखेआ जे बदलाव दी शुरूआत आपूं गै लोकें कन्नै होनी लोड़चदी। उनेँ आखेआ जे सांझी जिम्मेदारी राहें गै महंगाई दे असर गी घट्ट कीता जाई सकदा ऐ ते हालात संतुलित बने दे रौहडन।

<><><><><><>

Soft-Toys-Ramban

रामबन जिले च राश्ट्री ग्रामीण आजीविका मिशन तैहत बटोत च खेडोने तैयार करने दा इक सिखलाई केंप लोआया गेआ। एह् खेडोने जिनेँगी साफ्ट टाय आखेआ जंदा ऐ, कपड़े, फोम, रू ते होर दुए नर्म मटीरियल कन्नै तैयार कीते जंदे न जिंदे नै बच्चें गी चोट लग्गने दा बी कोई खतरा नेई होंदा। इस आयोजन दा मकसद स्वरोजगार गी बढ़ावा देना ते महिला सशक्तिकरण ऐ। मकामी महिलाएं बड़ी दिलचस्पी कन्नै एहदे च हिस्सा लैता ते सिखलाई हासल कीती जेहदे नै उंदी समर्थ ते हुनर च बाद्दा होने दे कन्नोकन्नी औंदन दे जरिए बी बधडन। इस बारै आकाशवाणी कन्नै गल्ल करदे होइ ग्रामीण स्वरोजगार सिखलाई संस्थान दे डरैक्टर हरविंद्र सिंह होरें आखेआ

<><><><><><>

Tiger Div. Marathon

भारती सेना दी टाइगर डिविजन नै इलाकाई फौज दे साबका फौजियें दे सहयोग कन्नै जम्मू दे सरहदी गांs मकवाल च इक मैराथान यानि लम्मी द्रौड़ दा आयोजन कीता तां जे मकामी नौजवानें गी सेहत, अनुशासन ते लचीलेपन लेई प्रेरित कीता जाई सकै। इस कार्यक्रम च 271 विद्यार्थियें 10 किलोमीटर, 5 किलोमीटर ते 3 किलोमीटर आली द्रौड़ै च हिस्सा लैता। इस पहलकदमी दा मकसद सरहदी इलाकें च रौहने आले नौजवानें च सेहतमंद जीवनशैली, खेड्ठ भावना ते

सकारात्मक जुड़ाव गी बढ़ावा देना ऐ। मैराथन दरान प्रतिभागिये च बड़ा मता उत्साह दिक्खने गी लब्बा।

<><><><><><>